

十七、修始祖玉溪公祠墓约

夫国垂史册足以誌功名于不磨民念祖宗因以溯渊源于弗替清白之家坵墓田廬數十傳历沧桑而未变乱离之世逃亡迁徙不一地思水木则有由是故商封有旧不忘于邹鲁之生周恪无徵致伤乎杞宋之后贤愚之情一也贵贱之事均焉维我先将军玉溪公傳孙十二房应洪武之初运阅世十八代人 雍正之新朝墓在石塘之铺旗亭坊表摧散何年鵲叫猿啼未歇身开湖楚之宗云梦潇湘衍傳多代兰芬桂叶斯貽何居址分清旋弃初封之地嗣孙历久顿遗 始祖之名悲哉饮食宜人方报穀恩于后稷茧虫被体犹仪蠶祖于嫫忍令一之遗乖离解散不推九族之爱联络周旋寅偃蹇一生以老孤穷六袞而衰往年访出 公碑移置山头惟片石数邑纂成家乘嘔残纸上亦浮云吾族 诸公非无读书言孝而或窘于家计则称岁月靡閒且有结驷连骑而颇厚于貲财则復分文难舍以此 宗祠未设先墓终荒顾惟无义捐之气公事谁糾率多有姑置之心天良曷发用今重瀝枯鱼之胆望众同兴貽燕之谋秀者先声之词樸者随作其气合力建祠于省而轮年拜祭以秋并谋修 塚于山而削石增封维旧即前年谱以速成或远族名之未備均属一祖所出无庸二本之情兹皆以本年金风将居遂齐所费于户丁水月伊初務建厥祠于府郡逐房分理为首者弃之于家按地节收刻期焉分之以月蓋七八九三月各处以齐报上中下三科因家而取 抑有贫而好义司铭者特奖无私若在饶而寡丁主收者劝捐有项惟族盛而轻金美举鸿毛于一旦逮功成而勒石芳声象鼎以千秋行庆煌煌人口荣彰赫赫祖功云

雍正乙巳年夏月

玉溪堂下族末寅及同事拜手